



Radunonza da vischnaunca

La proxima radunonza da vischnaunca ha liug gievgia, ils 15 da december 2022 allas 20.00 uras a Rabius.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 14-06-2022
4. Tractaziun ed approvaziun dil preventiv communal 2023
5. Fixaziun dils peis da taglia 2023
6. Elecziuns da delegai e suppleants en corporaziuns da vischnauncas (perioda d'uffeci 2022-2025)
7. Tractaziun ed approvaziun dil project sanaziun provediment d'aua Surrein e concessiun dil credit brut da 910'000 francs
8. Tractaziun ed approvaziun dil project sanaziun parziala provediment d'aua Rabius e concessiun dil credit brut da 190'000 francs
9. Orientaziuns
10. Varia

Il preventiv 2023 sa vegnir retratgs sin canzlia duront las uras da spurtegl. Plinavon ei il preventiv disponibels sin la pagina d'internet www.sumvitg.ch.

Sumvitg, 02-12-2022

Suprastonza communal

Fiasta cul president dil Cussegl naziunal Martin Candinas

Gliendisdis, ils 28 da november 2022 ei nies politicher indigen Martin Candinas vegnius elegius sco president dil Cussegl naziunal. **Sonda, ils 3 da december 2022** festivein nus a Rabius l'elecziun. La fiasta entscheiva allas 13.00 uras alla staziun da Rabius cun in til festiv entochen alla casa da scola a Rabius. En casa da scola han liug diversas producziuns musicalas dil Chor d'affons Sumvitg, dils chors mischedai dalla vischnaunca e dalla Societad da musica Surrein-Rabius. A caschun da quella sentupada cun il president dil Cussegl naziunal porscha la vischnaunca in aperitiv.

Program dalla fiasta

- | | |
|--------------------|---|
| Naven dallas 12.30 | arrivada dalla populaziun alla staziun Rabius |
| 13.15 | til cun musica e populaziun naven dalla staziun tochen alla casa da scola |
| 14.00 | act festiv cun musica, plaids ed aperitiv en casa da scola |

La suprastonza communal envida vischinas, vischins sco era hosps alla fiasta cun nies Cussegl naziunal Martin Candinas.

Sumvitg, 02-12-2022

Suprastonza communal

Clom da quens

Il quen communal vegn serraus cun ils 31 da december 2022. Per saver risguardar las expensas fatgas uonn el quen da gudogn e sperdita ein tut quels che han aunc dabiens viers la vischnaunca supplicai da dar quen sil pli tard entochen ils 16 da december 2022. Nus supplichein tuttas fatschentas sco era ils officials da vischnaunca d'observar quei termin.

Sumvitg, 02-12-2022

Suprastonza communal

Meglieraziun generala da Disentis/Mustér

Vischnancas da Disentis/Mustér, Sumvitg e Tujetsch

Approvaziun da la midada dal project d'exposiziun da la meglieraziun generala da Disentis/Mustér, via champestra nr. 28A, Via Sur Iert

Cun la disposiziun dals 16 da november 2022 ha il Departament d'economia publica e fatgs socials sa basond sin l'art. 44quater da la Lescha da meglieraziun dal chantun Grischun (LMG; DG 915.100) approvà la midada dal project d'exposiziun che vegn numnada qua survart. Cunter questa disposiziun poi vegnir fatg recurs tar la Dretgira administrativa, Obere Plessurstrasse 1, 7001 Cuira, e quai entaifer 30 dis dapi la publicaziun. Il recurs sto vegnir inoltrà en dus exemplars e sto esser suttascrit. El sto cuntegnair ina pretensiun da dretg, ils fatgs sco er ina motivaziun. La disposiziun contestada sco er eventuels ulteriurs meds da cumprova ston vegnir agiuntads. Tgi che ha il dretg da far recurs po prender invista da la disposiziun e dals documents dal project entaifer il termin da recurs, s'annunziand ordavant per telefon (081 257 24 32) tar l'Uffizi d'agricultura e da geoinformaziun, Ringstrasse 10, 7001 Cuira.

*Uffizi d'agricultura e da geoinformaziun
Daniel Buschauer*

Gesamtmelioration Disentis/Mustér

Gemeinden Disentis/Mustér, Sumvitg und Tujetsch Genehmigung der Änderung des Auflageprojekts der Gesamtmelioration Disentis/Mustér, Güterstrasse Nr. 28A, Via Sur Iert

Mit Verfügung vom 16. November 2022 hat das Departement für Volkswirtschaft und Soziales, gestützt auf Art. 44quater des Meliorationsgesetzes des Kantons Graubünden (MelG; BR 915.100), die oben genannte Änderung des Auflageprojekts genehmigt. Gegen diese Verfügung kann innert 30 Tagen seit Publikation Beschwerde beim Verwaltungsgericht, Obere Plessurstrasse 1, 7001 Chur, erhoben werden. Sie ist in doppelter Ausfertigung und unterschrieben einzureichen. Die Beschwerde hat ein Rechtsbegehren, den Sachverhalt sowie eine Begründung zu enthalten. Die angefochtene Verfügung sowie allfällige weitere Beweismittel sind beizulegen. Wer zur Beschwerde berechtigt ist, kann innerhalb der Beschwerdefrist, nach telefonischer Voranmeldung, Tel. 081 257 24 32, im Amt für Landwirtschaft und Geoinformation, Ringstrasse 10, 7001 Chur, Einsicht in die Verfügung und die Projektunterlagen nehmen.

*Amt für Landwirtschaft und Geoinformation
Daniel Buschauer*

Di dallas portas aviartas egl Archiv cultural Sumvitg

Dumengia, ils 11 da december 2022 a partir dallas 13.00 entochen allas 16.00 en casa da scola a Surrein. Igl archiv cultural Sumvitg envida tut tgi che ha interess, era interessai d'ordeifer la vischnaunca da Sumvitg, da vegnir a Surrein e prender investa da quei e tschei che ha anflau la via egl archiv. Ei vegn era mussau films e fotografias ed ina stiva da caffè envida da star in mument tier ina paterlada sur da temps vegls. Tgi che vul surdar quei di ina ni l'autra caussa agl archiv, sa bugen far quei. A bien seveser!

Sontgaclau viseta Cumpadials

Ils 10-12-2022 viseta il Sontgaclau las convischinas ed ils convischins da Cumpadials e Laus. Allas 18.00 arriva il Sontgaclau avon casa da scola Cumpadials per dar ina paterlada cun vischinas e vischins. L'Uniun da cultura e sport Cumpadials offerescha cun quella caschun bubrondas, spagnolettis e piziultas. Sin giavisch fa il Sontgaclau era viseta a casa. El pren bugen encunter annunzias entochen ils 9-12-2022 sin la nr. 078 917 18 97.

Uniun da dunnas Rabius

Excursiun d'Advent per pensiunai

L'Uniun da dunnas Rabius organisescha mesjamna, **ils 14-12-2022**, ina excursiun d'Advent per tuttas pensiunadas e tuts pensiunai.

Program: 11.15 partenza cun autos privats naven da Rabius avon la «Greina»

12.00 gentar en sala da pelegrins claustra Mustér

13.30 guida el museum claustral cun pader Theo

Suenter s'entaupa tgi che vul per ina pintga devoziun en caplutta da Nossadunna. Sco finiziun gudin nus in bien caffè cun dessert ell'ustria dalla claustra. Annunzias a bucca ni per telefon prendan bugen encunter entochen **ils 9 da december 2022:**

Theresita Eicher, 079 732 06 12

Adelina Berther, 079 295 52 62

Ei fagess a nus grond plascher da beneventar Vus quei di. En num dall'uniun da dunnas, il comite

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Igl intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: Ustria dalla Staziun, 7176 Cumpadials

Datum: **venderdis, ils 9 da december** allas 11.45

Annunzias: Ein da far entochen mesjamna sera tier Ustria dalla Staziun, Cumpadials, tel. 081 943 19 22

Club da tennis Trun

Preavis – lotto a Trun

Sonda, ils 4 da mars 2023, ha liug a Trun il tradiziunal lotto che vegn organisaus dil Club da tennis Trun. Cordialmein envida *Club da tennis Trun*

Apparat d'udida

Gliendisdis, ils 5 da december 2022, saveis Vus schar schubergiar e rugalar Vies apparat d'udida: 9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.